



地理全誌

前編

二

ル 2
2015
2



政
四
羅
巴
志

清田氏藏記

1462
2.015
2





地理全志卷之二

歐羅巴州全志

歐羅巴五州之最小者。曠野居其二。山嶺居其一。海隅之地。灣泊甚多。田土腴瘠不等。氣候涼燠不同。人物蒼翠。學藝絕倫。自古迄今。常推為首。

文論

位

界

州內緯線自赤道北三十六度起。至七十一度止。經線自中華北京午線偏西四十八度起。至一百二十六度止。州內東連亞西亞裏海。西至大西洋。南界地中海。北枕北冰洋。

廣

州內長八千里廣一萬二千里總計之方一千四百万里

山

州內岡巒東北烏拉嶺東南高加索山其餘分為三等南曰比里牛斯山界於西佛之間西班牙等山在西班牙國亞卑斯山在瑞士以佛之間亞卑尼奴山穿貫以大利全土加白的山在奧地利日耳曼等山在日耳曼列國巴幹山在土耳其希臘山在希臘國北曰瑞顛等山在瑞顛國西曰大英等山在大英國至於火山州中凡四島或十座最大者以大利有維蘇威西治里有挨

質論

原

德納冰州有挨哥拉州內平原甚少最高者為西班牙之大半至於曠野西自英之倫敦佛之巴黎斯由荷蘭日耳曼北方至峨全土其荒蕪之地峨之東南為最瑞典填地利東日耳曼北等處次之

隅

州邊海隅曰瑞典隅連國隅西班牙隅以大利隅希臘隅峨羅斯南之哥里米隅

角

州濱之角難以枚舉瑞典之北有北角南有奈斯角連之北有斯高角英西有蘭森角佛之西北有合及角西之西北有非尼斯德角葡之西南有三維森角以大利

嶋

南有斯巴温多角。盧加角。希臘南有馬大板角。
州之内外島嶼羅列。至大者冰州島。發祿島。大英三島。
亞索利數島。皆在大西洋。斯必巴然島。新森拉島。在北
冰洋。亞蘭數島。噠國屬島。厄德蘭島。在波羅的海。巴里
利島。哥塞牙島。撒丁島。西西里島。馬達島。以阿尼島。干
地島。均在地中海。希臘群島。在希臘海。

海

州内外海聯絡旋繞。北曰白海。中曰波羅的海。西曰北
海。阿爾蘭海南曰地中海。亞得亞海。希臘海。東南曰馬
馬拉海。黑海。亞速海。

灣

州濱灣之著名者。曰波的尼灣。曰芬蘭灣。曰利牙灣。通

峽 岔

波羅的海。曰瑞的西灣。曰慕來灣。通北海。曰比斯加灣。
通大西洋。曰雷昂灣。曰熱那灣。曰達蘭多灣。利板多灣。
通地中海。曰威你斯灣。曰得利斯灣。通亞得亞海。曰加
拉灣。曰澤加牙灣。通北冰洋。曰阿尼牙灣。曰亞干日灣。
曰美森灣。通白海。
州内海岔。曰英倫岔。曰三若岔。在大英西南。曰加的牙
岔。曰加惹拉岔。界北海波羅的海。
州屬海峽。孫德峽。大帶峽。小帶峽。在波羅的海。北海之
間。奔蘭峽。在大英之北。多非峽。在英佛之間。日巴拉大
峽。界大西洋地中海。墨賽內峽。在西治里。以大利之中。

河

他大尼里峽界馬馬拉海希臘海君士但丁峽在馬馬
拉海黑海之間以尼加利峽在黑海亞速海之間
州內河之至長者馬拉河窩瓦河匯於裏海尼瓦河土
未拿河聶民河維士都拉河阿得河流入波羅的海北
酌拉河加拉河流入北冰洋美森河上未拿河阿尼加
河流於白海威塞河來尼河易北河達迷斯河恒北河
帶河皆流注北海賽因河盧爾河加倫河斗羅河德克
河爪達幾維河流入大西洋羅尼河尼波羅河玻河低
伯河流入地中海多惱河尼泊河尼斯達河敦河皆流
於黑海

湖

州內之湖拉多牙湖阿尼牙湖賽美斯湖北不斯湖在
我羅斯威那湖威達湖美拉湖在瑞典日內瓦湖官斯
丹湖在瑞士餘則多近波羅的海其風景美麗皆在英
以瑞士等國內
州內氣候不一北境嚴寒凜冽經歲不熱中央涼燠咸
宜南方夏熱冬溫晴雨不均
州內地寶較他州為寡金銀產於峇奧瑞典銅產於英
峇瑞典錫鉛產於英西日耳曼煤產於英北佛普壤石
鹽產於英峨佛壤西水銀出於西壤錢則隨在皆有惟
英最勝焉

地氣

草木

州內草木之生大概分三土南方有無花果橘榴橄欖葡萄等林木葱龍花卉媽媚中央則二麥豐登樹幹雄偉凡百悉備極北草木甚稀不過苔蘚石葦零樗短楊而已

州內禽獸昆蟲殊為蕃庶惡毒之物絕少蓋人煙稠密芻豢甚勤至於野獸熊豺狼豪豬二猪糜鹿麇兔松鼠羚羊牲畜中馬牛羊豕多且肥美野鳥則鷓鴣鷹鷂鷓家禽則鷄鴿鴨鵝孔雀文彩輝煌百鴿宛轉和鳴魚類甚繁洋海河湖內鱗介之族無不滋味極美

政論

本州人民統計二萬三千万口

州內之教奉耶穌清聖者居多大同小異惟土耳其全土峨羅斯數部崇回回教其崇奉釋猶太教者寥寥無幾

州內學藝精備為五州之最性情縝密善於運思精於制器金木之功巧慧絕倫運用水火備極奇妙造作舟車更為精良兩輪迅發其捷如駛以之乘風破浪無不如志凡蓬索器具之屬尤精測量海道處處誌其深淺越七八万里而通中國殆非偶然才能既高敏慧超羣理學政治彞倫靡弗盡心講習如天文地理鐫刻音樂

史

鐘錶鎗礮風球火輪陰晴表寒暑針以及織布皆創於其地修飾以增美善權子母商賈為本關有稅而由無賦航海貿遷不辭險遠四海之內偏設埔頭由其善於操舟亦因國計全在於此不得不盡心力為之也

本州自有夏以前土人游獵為生久為蒼莽之區後漸耕田製器百廢俱興轉澆風為淳俗漢初羅馬混一列邦隸入版圖國勢漸強漢史所為大秦國也五代時羅馬衆亂唐宋間西域時來浸擾州之全土遂分為戰國明時以巨艦涉海巡行西關亞墨利加東得印度南洋聲勢遂縱橫於四海

政朝

國

州內朝政不一或君自主或與群臣共議或無國君立冢宰執政其中或帝或王公侯伯子男或宰相總督至某國君係何爵位皆詳明於後

州內國之大小不一曰俄羅斯瑞典噠國荷蘭比利時日耳曼列國普魯士奧地利土耳其希臘意大利瑞士西班牙葡萄牙佛蘭西大英

俄羅斯國志

俄羅斯疆宇恢廓甲於列邦其地界於三州然其設立部落經營都邑悉在歐羅巴故其國隸之歐羅巴而其散見

於亞西亞亞墨利加二州者。別分疏焉。俄羅斯在歐羅巴
東。緯線自赤道北三十八度起。至七十度止。經線自中華
北京偏西五十三度起。至九十四度止。東至烏拉嶺。裏海
西抵波羅的海。普魯士。奧地利。南接黑海。高加索山。北枕
北冰洋。長五千七百里。廣五千九百里。總計之七百萬里。
戶口六千二百萬餘。其地之中原野平坦。多數澤。為沙所
淤。沃野綿亘。荒郊幽邈。東南東北。山峯森拔。西北則崗巒
起伏。若隱若見。湖水甚鹹。河道開廣。支流不一。河之大者。
東曰烏拉窩瓦。南曰尼泊敦。北曰土味拿。北酌拉。阿尼牙。
美森。西曰土味拿。尼瓦。維士都拉。湖之大者。西北曰拉多。

牙。阿尼牙。賽美斯。北不斯。海口港汊四通。便於舟楫。隆冬
冰結。不能往來。黑海與地中海一線相連。海道不及他國
之順利。故遠涉為難。河濱之田。悉屬膏腴。其餘北極者。皆
不毛之土。北之中央。猶堪種植。西南宜黍稷。無歲不書。大
有。東南則沙磧無垠。盡斥鹵之區。至於氣候。南北迥異。北
當冬時。寒冽殊甚。川有堅冰。日光所不照。常覺晦冥。夏時
溽暑逼人。雲霧四塞。有晝無夜。西南則天朗氣清。無疾風
暴雨。百景以之滋長。萬物因而化醇。卉木向榮。誠為一國
之勝境也。

居民種類不一。或耕耘。或游牧。各居其半。俗尚畜僕婢。

達官富室所畜以千百計通國所畜奴僕不下百餘萬
浮於軍額食物粗糲麥粉為湯粉水為飲嗜酒不喜沐
浴嚴寒卧爐上以取溫俗崇希臘教亦天主別派也京
都為教主居所大權是秉勢甚震疊若釋回猶太等教
亦間有奉之者士諳禮義凡天文地理之學靡不討流
泝源數十年來百工技藝精巧絕倫匠肆林立貨物駢
集誠為商賈之通衢轉輸之要道也

至於朝綱歷代相傳以長幼為序男女皆得踐祚古稱
薩馬西其民未馴教化游林叢以射獵唐時有酋長祿
利哥者萃其族類拓土宇築城邑五代時女主專政崇

天主教生十二子皆分茅胙土以備屏藩其後互相攻
伐日漸衰亂為蒙古所征服明時驅逐蒙古恢復版圖
歸其故宇不數傳後國王宜萬有雄略而多行殘忍群
下離心至波利斯國勢浸弱康熙四十四年立彼得為
王羅致英賢躬教士卒令習騎射火礮政令更新國俗
於以丕變巡邊陲開海口建新都於海濱疏通波羅的
海道水陸皆操形勢猛士之多戰艦之大為列邦所景
仰峨之強大實始於此彼得沒其后攝政敏慧有權謀
任賢舉能強隣揚伏疆土愈闢乾隆二十六年加他隣
后弒夫自立性甚淫嬖而具才幹精於文藝習於武備

招致他國百工厚給廩餼俾教其國人屢與土耳其構
兵戰無不捷嗣子承統與佛蘭西力戰佛不得已議和
其弟尼哥勞即位征服土耳其擊退波斯威名頗稱即
今嗣服之君也其民稱君曰察爾政治悉由君出

其國大略分七區又分五十七部

波羅的省在俄西北隅分為五部一曰彼得堡昔彼得皇
建都於此因以命名其地瀕海原野荒邈長松翠榆森然
夾道雖有田疇甚為狹小都城在尼瓦河口僻在海港潮
汐盛至水溢城闔街衢多不能行屋宇宏峻宮殿巍峩學
校醫院靡弗備具他如觀星之臺藏書之府窮極華靡以

為壯觀洵海外之名區繁華之勝概也曰斯多尼曰里窩
尼曰孤蘭曰芬蘭本瑞典東北境為俄所割取
大俄羅斯省在國中央分十九部曰墨斯科俄之舊都也
規模闕麗衙署皆飾以金銀

嘉慶十六年佛朗西欲混一西土以大兵圍其城將陷
俄民舉火自焚幾成焦土戰勝再建仍復其旧

曰拉的迷曰尼內諾弗哥曰利森曰加婁牙曰斯摩稜科
曰都拉曰當波弗曰柯勒曰窩羅尼曰占尔斯克曰哥斯
羅罵曰日羅斯拉曰的威爾曰杜斯哥曰痾勒內曰窩羅
達曰諾弗哥曰亞干日小俄羅斯在大俄東南

本然地為波蘭所據後即恢復

九

分四部曰幾富曰查尼俄曰布多洼曰色羅伯斯
南峩羅斯在大小峩之南分五部曰加底里諾曰給爾孫
海口有疴德沙為峩之第三埔頭曰擣里達峯巒層疊螺
髻可觀天時和煦洵稱樂土其南有海隅曰哥里米風景
清淳土壤膏腴種桑飼蠶稱富庶焉內設軍器局為兵船
停泊之所曰比沙拉比曰端可沙

其人種類曰可沙勇悍好鬪尚劫奪善乘馬馳驟如飛
國中募為騎兵即食其土之所產以為糈糧不取國帑
摧堅折銳稱為勁旅其俗安居樂業惟尚朴實其待賓

客悉合乎禮建新城于海口商旅廣至帆樯林立為衝
要之地焉

東峩昔分二國一曰阿斯達干山嶺荒郊通衢四達窩瓦
河二岸庶草蕃蕪可為牧地羣孳息庶土人長于釣捕地
分三部首曰阿斯達干會城同名為峩之大埔頭曰疴倫
堡樹林稠密蒙古各部立市於此以牛馬易布疋語言風
俗大不相同一曰加森在烏拉嶺西境土宜稼穡金礦尤
旺各部往來貿易極多設有中市其地才為回國明中葉
間峩得之分為五部首曰加森又有新比斯克奔薩維得
加白尔摩以金礦最為富饒

西峩羅斯及波蘭部在波羅的海東南。

其地初屬查遞倫及波蘭查遞倫王與波蘭女主通姻亞配為夫婦遂合為一其後為峨所奪名之曰西峩其人白皙又名白峩迄波蘭衰亂時峨與普魯時填地利瓜分其國峨得三分之二後卒歸於峨統名之曰波蘭

部。

西峩土地廣坦田畝肥沃民有潔癖所建室廬俱極華靡芳草蒙叢田疇交錯耕牧咸宜風景殊嘉密林深菁山秀水清分八部曰威那貿易殊盛凡習天文教技術邊舟楫者皆築館舍以為會集之所曰威德比斯科曰哥德諾

本查遞倫故都昔之宮闕僅存基址。

曰明斯克南方多湖水患頻仍曰日希里曰北亞里曰窩希尼風景清淑田疇綺錯洵稱樂郊曰波多波蘭地平如砥茂林芳草掩映左右五穀繁熟百果豐登河道不一地分八部馬索維會城洼肖屋宇宏峻塵市喧闐景象一新三多迷加利斯魯伯林波羅略波達拉給亞烏斯多加拉哥名則自立實峩與埃統轄波羅的海內東有阿蘭數嶋又屬峨御土產自果穀而外馬牛於南麻油於北鑛開於東咸獲無窮之利焉

瑞典國志

十一
瑞顛處於歐羅巴北隅緯線自赤道北五十五度起至七十七度止經線自中華北京偏西九十二度起至百有八度止東至俄羅斯波羅的海及波的尼灣西界大西洋南接波羅的海加惹拉岔北枕北冰洋長四千里廣一千五百里總計之九十七方里戶口四百三十萬地本瑞顛那威二國之疆宇也今則兼并為一地勢下垂有如葵扇中央崗巒脊起連繹不絕險隘之所亦復不少瑞顛建國在山之左右則那威故址北方之山巉巖峻壁形極岩堯徑路崎嶇沙磧之地卑下窪溼悉屬不毛南方多豬澤厥土塗泥田稍肥沃西瀕海急流迅湍舟過之必危河道衆

多率皆流急而不長湖之大者曰威那湖維達湖美拉湖氣候寒凝春則風雨交作時有冰雪夏甚涼炎燄之時絕少晝永若小年長七十六刻秋則天氣朗霽偏多佳日絕無纖雲蔽空冬苦嚴寒凜冽殊甚晷短漏長極北為歐最寒之區夏有晝無夜冬則有夜無晝林木稀疏豺鹿熊羆之屬充斥焉

民人北方者貌似蒙古士耽文學風俗清淳人好使酒故獄訟充斥技藝日進貿易頗盛陽奉耶穌教北方近來漸摩

至于國位歷代相傳女子亦得踐祚昔為野蕃部落漢

十二
時錯處於日耳曼界。散布列邦。宋時酋長厄里哥築城
建邑。規模草創。是為瑞典立國之始。斯時那威亦有酋
長為王。數傳以後。為噠所兼并。明洪武時。噠日強大。瑞
顛亦隸版圖。稱臣僕焉。越至嘉靖時。瑞有王孫曰撒瓦
聰慧絕倫。英毅超群。恢復故土。爰即王位。威惠並行。寬
猛相濟。國以大治。世子嗣服。荒服荒淫。不道為國人所
囚。仰藥而死。厥後女主基利斯的那。性嗜文學。厭煩苛
不悉心於政事。禪位於外戚加爾祿斯王。既踐祚。勤於
軍旅。攻伐波蘭。而割其邑。擊退俄羅。威聲遠著。隣邦
震懾。後引兵攻那威。師敗。死於城下。無嗣。其姪即位。嘉

慶十三年。國大亂。廢其君。更立加爾祿斯。群奉之。為王
及薨。無嗣。遺詔讓于首將伯拿多。及即位。亦名加爾祿
斯。國之西境為那威。本屬于噠。嘉慶二十年。衆國公使
會議。以瑞地之近于噠國者歸噠。以那威歸瑞。由是合
為一國。道光二十三年。阿斯加即位。王薨。其子即位。
瑞顛分三部。中曰綏蘭。會城曰斯德哥摩。即京都也。建于
美拉湖濱。屋宇高峻。廊廟之輪奐。務極華靡。樓臺亭榭。連
甍接棟。景象崢嶸。極一時之勝。外通海口。為一國輸轉之
衝要。南曰曷蘭。城以同名。為大埔頭。北曰那蘭。城曰比的
亞。又分二十四部。那威分為五部。南曰幾斯底安。都城亦

以此名曰幾斯底散中曰白然為大埔頭曰特倫林北曰
那蘭又分十七部土產金銀銅又產錢甲于天下礬硫磺
獸皮花紋石木材魚等

噠國志

噠國在歐羅巴西北隅緯線自赤道北五十三度起至五
十八度止經線自中華北京偏西百有五度起至百有八
度止東至波羅的海加的牙盆西界北海南連日耳曼北
距加惹拉盆長一千里廣三百五十里總計之方七萬八
千里戶口二百万其地曠野居多平原彌望瀕海水通窪
澤其西半皆砂磧颶風忽起則蔽空彌野飄揚靡已邱隴

頓失民多種樺以備沙患北地廣莫乏湖河之滌洄惟南
肥壤氣甚卑濕而冬夏之間殊覺和煦海濱一帶尤為相
宜朝暮多霧

人民勤於習藝敏於作事文學彬彬有足嘉焉巨商大
賈肩摩轂擊奉耶穌教

至于朝綱設有王位古時本隸番邦後并那威瑞典為
一國宋初推酋長哥摩為王操舟楫以學航海凡劫奪
之事無不為同於劇盜諸國目之為寇不足齒數不能
抗衡於列邦後有王駕奴持者能修國政明於賞罰兼
并那威越三百載女主馬加里達嗣位瑞典亦歸其藩

屬強盛之名震於一時及薨三國之地皆隸於日耳曼
版圖明時噠與那威叛更立基斯的安為王瑞典亦自
立故王之裔後那威見并於瑞而割瑞地之近噠者歸
於噠噠頻年構兵數被侵伐國幾虛耗不支迨來轉輸
貨物繁盛勝於昔時元氣因以漸復至道光二十九年
非得列踐阼即今在位之君也

通國分四省曰低納馬又名入德蘭及日倫敦島都城曰
哥卑合給為商旅麇至之地城內宮殿巍峩屋宇峻麗學
校醫院靡弗備商皇宏壯稱鉅觀焉又有城曰亞西諾諸
國貨艘出入波羅的海必經此港名加的牙長廣不過

數里噠建關征稅地甚險隘以兵扼其吭片帆不能飛渡
南曰荷斯下城名幾力中曰斯勒瑞東南曰勞英不城皆
全名附近島嶼羅列民乏生計捕鱗族以糊口島之大者
曰安合上建樓窮極靡麗光彩輝煌燦爛射日海舶夜行
望之以辨里程東曰日倫夫尼拉蘭荷蘭西南曰希里荷
蘭屬于大英又有冰州在大西洋北總計之方十三万里
氣候嚴寒戶口五萬

中有火山名挨哥拉煙燄上騰晝夜不熄熱泉迅湍懸
嶺若瀑布七十餘尺歲有地震殊為猛烈生意蕭疏穀
果稀少本多由洋浮至居民聰慧善于款賓內建書院

觀星台會學士處土產葯苔稱良
其東南曰發羅土產五穀牲畜

荷蘭國志

荷蘭歐羅巴之西北隅也緯線自赤道北五十二度起至五十四度止經線自中華北京偏西百有十度起至百十二度止東界日耳曼南接比利時西北距北海長六百里廣四百里總計之方四萬三千里戶口三百萬地勢坦夷在歐羅巴中最高為卑隘低窪荒澤不可勝數海潮盛至每多衝決之虞民間多築崖岸以為隄防河道甚雜至長者曰士加爾達謬塞來因湖之大者曰亞零海地壤膏腴農

民勤耕而沮洳汾澤之間開墾為田者甚少
民諳於水利濬溝瀆鑿河道善能航海習於舟楫不憚行遠在歐羅巴中貨物之運行市舶之往來實自荷蘭創始焉人情朴質操作艱辛食用儉約極撙節之宜其治生惟一以勤古風猶未墜也有潔癖室廬窓牖時加洗滌不染纖塵街衢之間不使稍留穢跡巨商大賈雲集響應車蓋相望帆檣相接東北諸島無不豔稱其盛工肆林立技巧藝精凡呢與氈布之屬皆其所織俗吸絲煙故種煙草者多牧場甚廣庶草蕃蕪便於放牛所製乳餅極佳善釀火酒運於列邦羽毛綴為最良為中

國所貴重民奉耶穌教

至於國位歷代相傳繼統者維男以長幼為序無子立嗣無嗣立女昔時乃野蕃部落後為日耳曼人所據蕭齊時佛朗西取之爰置酋長統率其衆佛內亂作諸酋蠢動擁地自立土遂瓜分為十有七國後有酋長兼并歸一立為侯國宋時海水猝漲泛濫於地居民盡為所淹屋宇埋沒靡遺數百里間幾成水窟潮退積水滙為一海即亞零是居民當水潦之後極力經營閱數十載生齒繁滋完富勝於疇昔明初為墾地利所取墾君傳位於西班牙王王秉國鈞減稅以悅民悉令入天主教

有導耶穌教者則積薪以焚之誅殛數千人慘毒倍率荷蘭人憤怒震烈舉兵以叛遂廢其君官吏皆被驅逐分通國為七省自設州牧綜理國政互結盟約咸不相統屬如是者二百餘載乾隆時為佛囉哂所侵伐國遂失佛王以封其弟自是荷蘭遂隸佛之版圖迨佛王拿破崙喪師荷蘭乃得恢復故土立故王之裔後取比利時合為一國凡有政事王不得專皆大臣哲士為之籌畫焉道光十年比利時人叛絕和好變亂滋生不歸統轄自立為國荷蘭莫之能禁亦聽其分建矣道光十九年居民製火輪之器轉換其機日取亞零之水使水漸

竭。邇來海水幾涸，可墾為田，約三十萬畝。

全土分十一部。曰北荷蘭，都城曰俺特坦，建於河濱水中，架以巨木，上築樓閣，層軒曲檻，以河道為街衢，其製甚奇。世罕觀焉。宮闕衙署，罔不峻麗。學校醫院，靡弗具備。誠稱一時之壯觀。昔為歐土都會之最大者。曰南荷蘭，首城曰海牙，乃國王建都之地。來丁設立書院，制度瓌瑋，凡名儒碩彥，明道達理之士，咸萃薈於此。蓋人文之數也。屬邑曰鹿特提，城堞甚為鞏固。達衢開廣，廬舍峻整。海舶巨艘，隨在可通。曰西蘭，北巴班，烏特立，給德蘭，德倫，荷威，立塞，哥羅凝，俺非里薩，靈堡，別有一區，曰盧森堡，入日公會，與列

國互結盟誓。土產畜牲，麻，苗草，滑石，鍊煤。

比利時國志

比利時在歐羅巴西北，緯線自赤道五十度起，至五十二度止。經線自中華北京偏西百有十度起，至百有十四度止。東至日耳曼，西連佛朗西，暨北海，南接佛朗西，北距荷蘭，長六百里，廣四百里。總計之，方五万里，戶口四十万。其地平坦，形勢延袤，南方陵谷荒稀，氣候和煦，田土膏腴，多草場，便牧畜，穀菓煙麻，歲書大有。

居民謀生勤苦，性好動，輕然諾，寡信義，工肆雲集，製造精良，百貨之轉輸，乘商之貿易，稱極盛焉。崇奉天主耶

蘇教

至于國政廢興不一古為荷蘭南部荷多水而比多平陸自荷蘭為日耳曼所據又為佛朗西所攻取荷蘭人叛其事之始末比與荷毫無差異及荷逐官自立比利時猶屬西班牙統轄康熙年西班牙以荷与比之地讓與地利治理越八十餘載乾隆十年比与荷又同為佛蘭西征服後荷蘭復故土與比合而為一無如風俗教化品性言語大相懸殊且荷與比夙附仇敵薄其為又不令居顯爵不收教其幼學比民寔難隱忍于道光十年逐荷守吏舉兵以叛據地以戰荷斂兵退比人群推

日耳曼之薩各堡小侯留波尔者為君有公事則与衆酌定紳耆商議否則不能納餉自絕荷後貿易之路為荷所塞過港口不得通行昔進港口之艘船移往他處製鍊轆轤路以火輪車由陸路轉運達海

通國分為九省曰南巴班在適中之地都城比律悉乃京都也建于塞內河濱宮室巍峩殿宇峻麗民工紡績呢括最精城中遍栽林木修築葯園俾民人遨遊得領趣

嘉慶初年佛蘭西与大英大相戰鬥于此英國勝之曰安都厄比那慕列日首邑皆同名東發蘭德首邑曰近

的西發蘭德首邑曰比律日海腦德首邑曰蒙林堡首邑曰黑失盧林堡首邑曰亞羅土產穀菓烟麻煤鐵紋石綱砂甲於歐土

日耳曼列國志

日耳曼列國在歐羅巴之中緯線自赤道北四十五度起至五十七度止經線自中華北京偏西九十六度起至百有十六度止東界奧地利普魯士西接荷蘭佛朗西南至瑞士以大利北連波羅的海長二千二百里廣二千里總計之方八十万里戶口一千六百萬其地北方平廣坦夷砂磧綿貌數澤居多南有高原曠野餘皆岡陵峻峭絡繹

不絕河之長者曰威塞多惱易北湖亦衆多氣候互異北則沮洳潮湿寒熱無定南方平和煦燠舒暢宜人濱地膏腴樹木稍密花草豐茂園亭幽雅風景清美遠客多來遊玩

居民多強健性淳良好學術勤苦謀生力作不倦技藝文字奇妙絕倫商賈廣至貿易殊盛奉天主耶穌猶太教

至于朝綱國政或君王臨御或公侯攝理或設官宰治變遷不一沿革無常古為歐羅巴大國五方之民雜處羅馬時征服四方日耳曼雖歸統屬尚未盡入版圖佛

朗西興有王名甲利曼者攻滅日耳曼諸部土地人民
全為收服地隸佛版者百十載國人叛立酋長根拉的
為王此後各王並不世代相傳俱為衆所推立元初奧
地利酋長羅德福為王能服衆由此子孫繼緒不禪于
人明時日益強盛聲威四播幾與羅馬代興康熙三十
九年各部自王不相臣屬奧地利并兼坐大普魯士拓
地稱雄兩國皆著名譽不復稱日耳曼迤迤以西所餘
隙地佛朗西拿破崙以兵脅之皆降後八年拿破崙敗
各復爵土嘉慶二十年會議於維也納議定日耳曼列
國各守疆界互相結盟一切政事集衆會議靡有參以

私見每國派公使一員皆駐佛朗西總帥一人各國公
舉奧地利人為盟長他國人不敢當也文字言語各國
皆全

通地分為三十六國普奧二國別行序述其外曰巴威里
亞在東南方都城曰慕尼黑街市華潔居民善造細皮清
玻璃時辰錶名播四方阿諾威在西北境

康熙五十三年有王名若耳治者值大英嗣位無久英
之臣民招若耳治奉以為王子孫承繼阿諾威歸其統
屬及道光十七年嗣位無子英立女王阿諾威遂自立
薩索尼為適中之地銀鑛衆多都城曰德停

二十一
明時有士生於此曰路得洞悉天主教之弊端別立耶穌教由是天主教之權衰而耶穌教盛行於世焉有大邑曰來責每歲設市三次諸國商賈雲集其地書籍鐫刻最精文字著作悉備羊毛可織毡呢磁器可亞於中國。

瓦敦堡都城曰斯都德牙以上四國皆為王爵黑西加塞都城曰加塞其制自立繼世為侯以一紳房諸臣會議有上公之爵攝理者七國曰巴丁都城曰加斯盧峯巒秀出風景清華為日耳曼國之最盧森堡為荷蘭屬入公會黑西達摩斯達梅咯梭堡有二部曰斯卑零斯德勒荷敦堡。

薩克威密都城皆同名。

昔時薩索尼裂國之西以分五子各守封地不相統屬錯雜於隣國之中。

有公爵攝理者九國曰薩克撒內有三國曰各堡額達今英國女王之婿此國之世子也亞敦堡梅凝認都城均同名拿騷都城曰羅斯巴敦夙稱富饒不倫瑞克地不相連安合有三國曰德騷錯雜於列國之中伯尼堡在普魯士境內咯敦在易北河左右都城皆同名黑斯敦勞英堡為噶國屬入公會都城曰哥羅斯達又有候爵攝政之國八曰留士分大小二國大曰咯勒斯小曰給拉都城皆以同。

名斯瓜斯堡有二國曰盧德斯達孫德沙森都城同名皆
包普魯士境內里卑有二國曰德靡的都城同名燒問堡
都城曰不給堡襪爾德都城曰哥巴列敦士丁都城同名
又有伯爵之國一曰黑西烘堡亦薩索尼分國都城同名
此外尚有四城為商賈萃聚之地自推殷戶為官司理事
不隸王侯一曰早堡地間隔不相聯會城在易北河口各
國互市之地不來梅通商在威塞河濱佛朗佛一臨萊尼
河各國公使駐兵于此以為防禦每年開大市一次律北
克昔日貿易殊盛地土不相聯絡其界內諸侯外地雖小
而與諸大國婚媾往來用敵體禮至于全盟公會條約雖

堅明然分土既衆不免蠻觸之爭遇大敵則心力不齊幸
壤之維也納歆盟之後佛朗西未發難端或亦慮衆怒之
難犯耳土產五金鉛水銀寶石花紋石礬硝磁器等

普魯士國志

普魯士在歐羅巴之中緯線自赤道北四十九度起至五
十六度止經線自中華北京偏西九十三度起至一百十
度止東至峩羅斯北界波羅的海日耳曼南及奧地利日
耳曼佛蘭西西接日耳曼比利時荷蘭長一千二百里廣
二千里統計三十六万里戶口一千五百万地勢東北平
坦沙磧土礲雨時泛濫低窪之區西南岡陵高原間有數

澤田土膏腴氣候溫和夏暖冬寒湖淤衆多河之大者西
曰來尼東曰易比阿得維士都拉

民性溫柔好禮匠肆寥落技藝巧良所造轆轤火輪車
最精商賈雲集奉耶穌天主教

至于朝綱王位臨御歷代相傳子孫繼緒古時為北狄
所據宋時為日耳曼人征服立為別部後為波蘭兼并
明時日耳曼復取其地立國奉職忠謹日主悅之屢益
以地康熙年間乃自王其國其王長千韜略節衣儉食
帑藏豐盈歷代嗣君雖遭干戈之苦然皆能自守嘉慶
十年佛朗西割其境土普遂弱越六載普民不悅佛政

思其故主王因民之怨也合糾諸國攻佛佛師潰而棄
地普復故土至道光二十年即位非的利即今之王也
王修國政勤士農設學館惠商賈由是百姓親附隣民
皆喁喁慕義遂為西土顯國其制民及歲者工入肆秀
入學否則罰其父母年二十以上男丁皆入伍學藝三
年放歸每歲秋操閱施賞罰故其國兵多而強

通國分東西兩土共有八部其東隅一曰巴郎丁堡沿河
水澤流通草木暢茂製造磁器勝於中華錢器燦若金銀
物精價廉遠客咸來貿易都城曰伯靈有孤子院武藝院
醫院軍器局靡勿壯觀宮室廟宇甚屬峻麗衙署整潔邑

之華美於斯為盛。一曰波美拉尼，其北近海，沙阜出琥珀，民用之造寶玩物件。會城曰士得丁，河流深廣，海船可通。帆檣雲集，貿易繁盛。一曰細勒西，會城曰北勒斯勞，百工畢集，文儒萃焉。一曰薩索尼，與日耳曼牙錯，會城曰馬丁堡，壘高池深，屢捍大敵。又有城曰威丁堡。

昔為天主教所掌，明時路德出于此，立耶穌正教，遂毀其祠宇。

一曰普魯士會城，曰哥寧堡，空濶難守，但澤海口貿易甚繁。一曰波森，本波蘭地，普與俄填瓜分得之，會城同名，街市寬廣，其民昔怨異轄，今則悅服，百姓半執異端，猶未向

化正教。其西土與東土並不毗連，地分二部，南曰惟士發里，土田肥沃，林木茂盛，民織麻布，善造火腿，售于各國。會城曰閔士得，北曰勒納，又分上下萊尼，其上沿河傍山，會城曰哥羅尼，善造鋏器，織有緞布，足製魚水，極佳。舟楫往來如梭，所屬水城有大書院，益田百，百工萃處，突鄉最美之城，街廣市寬，其下山清水秀，遠客常來遊玩。會城全名，民勤紡績，土產銅、鋏、綢、絲、布、磁器、穀木。

奧地利國志

奧地利在歐羅巴之中，緯線自赤道北四十三度起，至五十一度止，經線自中華北京偏西九十二度起，至百有八

度止東北至我羅斯普魯士西接瑞士日耳曼南界土耳其以大利長二千三百里廣三千九百里總計之方八十四万里戶口三千七百萬其地峻嶺疊起峯巒廻環冰雪凝積歷久不消餘皆平原兼有沙磧深林密箐頗有可觀數澤於下氣候溫和甚宜人物田土膏腴穀果豐登湖河廣多沿流灌溉河之大者中曰多惱支派紛歧舟船絡繹迤北與西南隣國支派甚衆湖之大者曰不拉敦西曰牛西德

居民種類不一均不往來性俗多為粗魯游行無定間有聰敏專務向上技藝近來精巧匠肆林立貿易興隆

奉天主教

至於朝綱皇帝臨御歷代相傳男女皆得踐祚惟以長幼為序政由自主漢時為羅馬所征服越四百載為北狄所據及唐佛朗西取其地立為別部元初日耳曼有首羅德福者攻獲壤地各部推立為王稱為東國疆土褊狹無大權越數十載歷代嗣君邦基漸廣創業垂統漸與隣邦姻婭相通是以附近各地多為所有嘉慶九年其國君甚至進爵為帝雖曾被佛蘭西君拿破崙攻克占據過半至嘉慶十九年兩國議和惟荷蘭仍自為國其前大各地盡行恢復現為日耳曼列國中最為強

富推大國焉。

通國分為四土。曰日耳曼地。壤之故土也。曰以大利。曰匈牙利。曰波蘭地。後來之所割也。壤地利之日耳曼地分六部。一曰壤地利。改上下兩部。都城曰維也納。王宮華麗。殿堂規模宏敞。織造華聚。街市喧闐。女人姿質風流。儀容秀媚。又有書院藏書七萬冊。一曰地羅利會城。曰音斯不羅。一曰士的里亞會城。曰加拉德斯。一曰壹黎里亞會城。曰來八海口。曰的里斯德。為地中海大埠頭。

其地山洞千餘。深遠長短曲直靡弗備具。景象美麗。古怪奇異。項多鐘乳石。天然生成。垂懸空際。內有一洞。人

其行可通二十里。為湖所阻。人未嘗探其奇也。

一曰波希米為壤之上壤。有泉水靈異。可以療疾。居民善造玻璃器。織麻呢細布。會城曰巴拉加內。設書院藏書籍萬冊。習文藝者千餘。一曰摩拉維及西里西會城。曰阿里木。壤地利之以大利地。總名威尼斯。倫巴多。分二部。一曰米蘭。近海濱。幅員廣大。山水清幽。有天主殿。廣二十七丈。長四十五丈。華靡美麗。一曰威尼斯。臨亞得亞海。

其初為大埔頭。萬艘鱗集。握地中海之利權。千有餘載。今則衰廢。通商無多。城建立於澤地。街衢皆小河。人不駕車而駛船。往來飛橋橫跨。不碍舟行。所屬巴士亞城。

內有書院道光三十年居民皆叛奧地利欲自為主奧
以大兵征服之遂復如初

其奧地利之匈牙利地

居民貌似蒙古人古為匈奴部遷徙至此宋時立國稱
雄一時久而寢衰明季女王嗣位配奧王為夫婦時匈
牙為波蘭土耳其攻侵皆賴奧兵力退敵保疆遂挈國
合於奧幅員大於奧雖為奧轄不服王化自立理法近
奧強服大相戰爭奧敗績請兵千峩羅斯求其來援征
服匈牙利始隸版圖傾心歸向

其地分四部一曰匈牙利國及斯拉哥高尼哥羅亞西都

城曰布大一日達郎西瓦尼會城曰黑曼又有哥郎為土
耳其希臘互市之所一日戌疆南界土耳其各農練為民
壯鄉勇鎮守疆域土人來侵則衝鋒突陣一日達馬西地
形狹長田土磽瘠不足於耕民多捕魚會城曰撒刺通土
產麥麵五金水銀最富寶石磁器毛呢牲畜等

其奧地利之波蘭地舊分二部一日加里細樹林叢雜熊
狼居之獵戶殺之而獻其皮官給以價其土鹵可煎鹽民
惟務農會城曰後卑各一日布哥維納本土土耳其地奧割
得之因波蘭故附之會城曰達奴波其民長于貿易雖隸
於奧而自有首政以上二部後歸一國名加里細土產穀

木鹽。

二十八

土耳其國志

土耳其疆宇開廣。戶口繁滋。其國分布二州。一隸歐羅巴。一隸亞西亞。其在亞西亞者。不過藩屬之地。別為分叙。其通國之大勢。則隸於歐羅巴。今臚列如左。

土耳其在歐羅巴東南。緯線自赤道北三十九度起。至四十九度止。經線自中華北京偏西四十七度起。至一百度止。東及黑海。馬馬拉海。西連亞得亞海。奧地利。南枕希臘。及希臘海。北至奧地利。俄羅斯。長廣均二千餘里。總計之。方六十七萬里。戶口一千二百万。其地勢南方海灣凹凸。島

嶼羅列。東北平原廣坦。沮洳數澤頗多。中央山巖險峻。勢甚綿亘。若斷若續。山南草木向榮。競茂。媽媚有致。河湖甚多。河之大者。曰多怒。支派分歧。又有馬黎薩湖之大者。曰拉塞音。日尼納。氣候溫和。四時咸宜。惟穢氣薰蒸。人觸之多疾病。田土膏沃。穀菓咸宜。

民情風俗。大抵與亞西亞相同。其謙傲勤惰強弱。咸各殊異也。衣服美麗。以帕蒙首。形体猥瑣。容貌鄙陋。工作技藝。俱屬平庸。所造之物。僅敷所需。水陸貿易。靡弗繁盛。因官長有苛政。庶民荒於其業。是以國內經營者。外客居多。勤奉回教。間有奉希臘教者。初土人叛回教。輒

殺之茲則聽其自擇焉

至于朝綱國位歷代相傳政由君出地分中央東西三
土中東在亞西亞西在歐羅巴古時悉屬羅馬唐初亞
喇伯取中東二土五代韃韃里人攻取亞西亞之西全
國至歐率兵戰勝驅之及成吉思強服元初有土荷阿
多曼招集衆人肇造邦國即以己名名之傳至其子闢
疆日廣至裔馬何美德具梟雄之姿取君士但丁為國
都三土全歸統轄此後歷代嗣君侵阿非利加之北亞
喇伯海濱歐羅巴歐羅巴之東南後自內作色荒外他
武備稱亂國焉嘉慶時王竭力修政然民橫亂東隅之

衆多不翼載王室中土猶強應其役西土接踵而起日
尋干戈南土分裂歸于希臘外藩亦隔絕不通聞問且
與我戰峨兵圍其都城國幾亡英佛為之議和而罷後
埃及總督叛之自主未和君薨道光十九年其子嗣位
即今在位之君也禮賢納士由埃督矯命求援于英佛
我惟割其數屬予督督遂修貢于土君近日匈牙利有
軍士數人逃此峨填欲強釋之土君不從賴英佛之助
峨填不舉兵侵伐然尚圖報復也

通國分九部曰羅美里古為馬其頓德來斯二土都城曰
君士但丁乃京都也城垣高大殿闕巍峩城外海港深廣

商賈輻輳。歌舞樓臺。連蔓接棟。風景美麗。庠序醫院。書庫浴室。靡弗具備。萬厦雲連。各國使館。在焉。多瘟疫火災。所轄亞得利安城。自古殿閣凋敝。沙羅尼加為商賈互市之地。曰布加利。會城曰西里斯的。建於河濱。設堡周備。以禦我軍。曰阿百尼。在海濱。民喜鬪掠。會城曰若尼拿。曰德沙利。會城曰拉利沙。地近希臘。口有隘卡。聲名遠播。古波斯與希臘相戰。其後歐羅巴禮義漸勝於亞西。此外另有五部。曰塞爾維。會城曰別甲。池深城固。曰波斯尼。合哥羅亞西為一。鑄刀劍為良。會城曰西來約。曰摩拉達維。會城曰牙西。曰黑西。又曰蒙的尼。會城曰摩斯達。

曰襪拉幾。會城曰不加勒斯。貿易頗盛。

以上五部。時被虐主挾制。群凶縱橫。殘剝庶民。民不堪其苛政。屢行背叛。并力攻拒。土君不能征服。與之議和。今或自立一牧。以理廢政。或自立為王。得避土王之虐政。我帝時。而垂顧撫綏。納貢稱藩于土焉。

又有干地島。在地中海。四周千六百里。外平坦。中險峻。海濱田疇甚沃。海口漸為沙淤。商船多為所阻。

古為名勝。後為土王攻取之。至埃及總督叛土。政島歸督主。

土產煙。葡萄。羊毛。銅。鐵。錫。鉛。礬。礬。紋土。橄欖油等。

希臘國志

希臘在歐羅巴之南緯線在赤道北三十六度半起至三十九度止經線自中華北京偏西九十二度起至九十六度止東至希臘海北界土耳其東南地中海長百里廣五百四十里總計之方五万里戶口九十万其地關山廻隔九曲盤繞谷野圓巨景象新奇群峯競秀望若列屏河湖衆多均不甚巨洲嶼灣港繚環羅布氣候溫和田土膴腴穀果豐登

士女儀容秀美好華冠麗服土人性情風俗不一或居平野勤于游牧或居山中劫掠專務自主昔時騷人墨

客論政講道之士甚多文教昌明聲名文物亟稱一時後數百年一敗塗地百工技藝不甚精巧匠肆蕭條貿易寥落今則漸復興起建書院立義塾教化將復如昔崇奉希臘教為天主教之分派

至于朝綱昔時邦國衆多歷代相傳今為新造之邦粵稽太古歐羅巴混沌未開夏時希臘有向化者始教以構屋營居耕種商時灑哥洛從埃及來立國于雅典教民禮義文字分十二國各霸一方不相統屬後為民棄自立數國波斯率軍百萬來戰敗北希臘遂興蒸蒸然日進千禮儀文字遠布實為歐羅巴文學之始漢時羅

馬克服歸千一統數百年明時土耳其攻取為一省道光三年希人叛土血戰七年後賴英佛俄三國護庇國賴以立

通國分為十部東曰亞的加其雅典乃京師也建在海灣昔為文物聲名之邦今則市井寥落景象蕭條西希臘曰亞加峇尼羅格里其通商埔頭墨龍義南曰亞哥黎內有腦比里城在海口希達島斯必西島均為通商之大埔亞加地內有德破勒撒希之堅城弥西那拉哥尼亞加亞內有巴荅亦大埔頭曰尼罕奔多島地形狹長與東希臘一綫相連及北斯波拉低島南北中西加拉的數島首邑曰

叙拉亦大埔頭十部之外其西有以阿尼群島總計之方三千七百里戶口二十萬曰各府貌刺地加客花羅尼息利峩散地

各有渠掌政令蒙英保護遂屬于大英以各府為都城英設大臣駐此有書院義塾

土產橘子橄欖油葡萄乾酒密南菓蠶桑等

以大利國志

以大利在歐羅巴之南緯線自赤道北三十七度起至四十七度止經線自中華北京偏西九十八度起至百有一度止東距亞得亞海北界奧地利瑞士西南斜跨地中海

長二千五百里廣北千餘里南數十里總海島為計之共四十万里戶口二千三百萬其地山嶺綿亘蜿蜒遍於通國間有野谷若斷若續氣候迥異北方嚴冷寒風凜冽中央炎酷瘴癘侵入南則近於海區較為溫和田土肥沃五穀則頻書大有百果則無歲不稔花卉芬芳幽谷深巖之地名園嘉囿之間風景清澗遠客來游者甚衆河之大者曰玻亞的及亞諾低伯湖景甚雅中北為最

居民身體荏弱外寬柔而內陰賊常昏夜殺仇且多隱山野盜賊攻商旅談論詼諧喜謳歌有稷下之風繪畫音樂甲於天下農事維惰工作技藝較佛英等國稍庸

尚屬精細匠肆亦不鮮少商賈輻輳貿易殊盛奉天主教傳耶穌正教者反立勵禁

至於朝綱國位昔屬一統歷代相傳今則各自分別或王公侯伯或民牧教宗名位不一古為土番散部周時羅馬崛起國勢漸強疆土四闢漢時縱橫千萬里跨歐羅巴亞西亞阿非利加三土或兼攝統轄或修工職為臣妾居然大一統之勢建都城於羅馬諸國景仰晉時又建都於黑海之峽名君士但丁厥後傳世久嗣王多淫亂敗度內訌迭生西北諸部皆擁止擅立本國分遂為二羅馬為西王君士但丁為東王東王於明時為土

耳其滅西王居以大利故土宋時東北之狄侵取越三百載佛蘭西取之以奉教主後又分裂為日耳曼之屬自此時合時分屢相侵擾嘉慶十年佛王拿破崙攻克為藩部越十載拿破崙敗各國公使齊集維也納會議通國分為九土一曰天主教宗部乃羅馬舊部也

昔時其地文物聲名為歐土最大都會迄宋代狄攻時宮殿古蹟皆為所毀文藝書籍殘缺焚棄駐羅馬之教師乘機宣布徒眾紛繁由是天主教興焉教師匪正藉福音之理妄自尊崇僭上帝位自誇其能力據疆裂土遂操國權号曰教化王至其沒時各教主會議公擇老

邁者續大統其教傳佈各國如不服從輒起釁構兵不許百姓仍遵其主是以教王之權大明時日耳曼人路得別立正教崇事耶穌斥天主教之異端邪說諸國漸歸耶穌正教而教化王之權衰

都城亦曰羅馬前代古跡尚有存焉今所建之天主堂輪奐宏麗光華射目街衢甚廣國政苛虐風俗頹靡民不能堪

道光二十九年思革其非百姓遂亂大興干戈擾亂羅馬王為民逐求救于佛朗西佛興兵与戰羅馬之叛民敗績仍復教王

一曰撒丁在西北隅有王以攝理由自主都城曰多靈殿
宇宏麗觀者嘖嘖稱美內分五部曰辟門其中遵耶穌正
教者不下二萬人不為教王節制故往往受其殘虐羅害
靡窮曰尼西風景美麗氣候清和曰撒歪山岡環繞陵谷
之間皆沃野曰熱那在海隅昔為地中海市廛之最盛者
萬艘鱗集戰艦皆泊于此今衰微已久矣昔日繁華之地
轉瞬成空鞠為茂草惟衙署數椽巋然獨存而已曰撒丁
島在地中海土壤廣漠林莽間雜民俗粗魯披羊皮帚器
械隨在游牧性情悍獷

一曰那不勒在西南隅三面瀕海與西西里島合為一國

中隔里賽納海峽有王以撫馭都城亦同此名屋宇高峻
殿闕巍峩乞食於市者成群結黨良民往往為其所擾環
山皆山深嶺幽谷間有火山名威蘓威其巔常出烟焰或
炎石墮空或飛塵蔽地或火漿迸流如水草木盡為之焦
灼

古有二城與火山相近為飛塵所蔽已閱千八百年土
人掘出城堞依然傳為怪異屢遭地震禍患頻仍然田
疇肥沃百物富庶生齒殷繁無肯遠避

西治里島會城曰巴勒摩埔頭曰墨西拿田極豐腴多出
穀菓火山名挨德納為歐土之最著焚毀鄉邑由漸而盛

其島之北有里伯利島內有火山二吐燄不息

君不以仁及民虐政橫行教王弄權故國雖殷富而民恒貧乏民亦無良驕奢淫逸

一曰多加納在西北公爵統轄都城曰佛梭街衢華麗萬履雲連丹青鐫刻極為精細里窩那城係海口商船萃聚商賈往來最盛

一曰巴馬在北方遵維也納會議附於盧加統攝都城同名一曰摩德拿一曰盧加均在北方曰巴馬為盧加管轄盧加近歸多加納而其公乃歲得賦稅以上三小國皆公爵總理

一曰馬利諾在羅馬境內自推官長理事

其以大利西南有馬他島民勤耕稼人煙稠密飲食節儉明時回部方強攻取此島選驍勇之士駐兵防拒乾隆中佛蘭西攻之使降大英旋以兵船戰勝佛取之調兵嚴守以為地中海戰艦之大口

其餘為墺地利屬者在墺志內叙述茲不具載土產葡萄酒橄欖油橙柑檸檬栗諸果絲綿最富

瑞士國志

瑞士在歐羅巴之中緯度自赤道四十六度起至四十八度止經線自中華北京偏西一百十六度起至一百十一

度止東界壤地利西連佛朗西南接以大利北至日耳曼
長五百里廣七百里總計之方五万里戶口二百二十五
萬其地勢萬山疊峙峯嶺參天冰雪凝積時或下墜遽為
民患野谷綿亘均為幽勝氣候迥異山嶺嚴寒平原溫和
山谷炎熱遠客徧遊全地取其清竒甲于歐土溪澗交流
河湖甚多河曰萊尼支派約數千曰羅尼湖曰日內瓦曰
官斯丹曰牛砂德曰盧撒拿曰蘇黎

居民不一分東北中三方北有日耳曼人務織布西有
佛人製表極細巧中有以大利人三民皆勤耕種務游
牧夏時驅逐山巔秋冬乃歸飲食節儉終身悅樂謳歌

納福樂道懷仁其量寬裕其性溫和其志固執行旅客
商賈之食之相待不啻親串奉耶穌天主教

至于朝綱不設王位風俗猶古羅馬後為北狄所滅旋
為佛朗西有又有日耳曼奪其民臨陣悍勇効力死戰
元時日耳曼王無道瑞士人逐守吏以叛初分三部後
分十三部擇賢者為鄉官以理民事嘉慶三年佛王拿
破崙以兵力強入版圖改十九部拿破崙敗各國公使
會議于維也納十九部外益以犬牙相錯之地日內瓦
牛砂德瓦來斯三部共合為瑞士國仍其舊俗自推鄉
官理事酌地勢按戶籍拔丁壯禦侮諸大國不得鈐制

遇國之內外大政部使鄉官集議于公處伯爾尼二年
蘇黎盧撒尔拿均

通國分為二十二部曰伯爾尼首邑同名為衆部之都會
曰蘇黎

明時耶穌之徒傳福音英字聖經先印于此

曰盧撒爾拿曰亞爾荷曰弗里堡曰瑞的斯曰牛砂德初
屬普魯士管轄有國君分派之官四十五員其後割之以
予瑞國會同公議治理國事曰砂佛塞曰日內瓦初屬普
魯士其後割之以予瑞曰蘇克曰加拉魯曰巴勒曰亞奔
塞曰桑牙祿曰梭律首邑皆全名曰給里孫首邑名佳爾

領以鄉官頭目曰德西尼首邑名比隣曰獨爾荷首邑名
弗留尼曰翁德瓦丁首邑名斯丹曰烏黎首邑名亞多弗
曰瓦的首邑名留撒建于河濱風景極麗曰瓦來斯首邑
西按土產木料葡萄熊羆撥鼠腮鷹羚羊鹿

西班牙國志

西班牙在歐羅巴西南隅緯線自赤道北三十六度起至
四十三度止經線自中華北京偏西百有五度起至百二
十八度三十分止北与佛朗西比斯加灣接壤東距地中
海西界葡萄牙南為大西洋地中海匯流之所長一千四
百里廣二百里總計之方六十一萬里戶口一千二百万

其地勢峯嶺重叠自東方至西其勢蜿蜒北方尚巒錯雜溪澗交流中央之地高原平廣餘則山川秀麗陵谷間曰野綿亘氣候不齊北冷中熱南方酷暑如蒸卑下淤濕田畝甚高雨澤鮮降民多牧羊以為生海濱風景清淑羊馬驢騾矯健而良多產佳菓勝於他國湖水微細河道不一西曰斗羅德克斯南曰瓜達幾微瓜低安東北曰厄波羅居民風俗性情不一性甚傲僻氣豪胆壯既結仇怨不復相釋樂於戰鬥冒險不顧飲食節儉如有酒果不輕嗜飲惰於農作早餐後必午寢大半貧乏無財多居蘆蔡男女並好彈琴互相舞蹈人皆帶猛牛今之相鬪又

有力者牽掘強之牛捉而刺之衆民環觀望而歡呼獲勝則為衆喜接工作技藝較列國稍拙然工肆亦不少所造諸物尚屬精麗通商貿易途分水陸陸路稍狹水程實繁貿易之盛多在海濱埔頭稅餉所入不敷所用養兵太多軍糈不給恆貸於富民以償息近因失信不償民不肯貸敵兵壓境輒因餉缺取敗妄奉天主教昔教師有大權違者以火禁之至今戒耶穌正教傳者有勵禁

至於朝綱歷代相傳男女皆得臨御按其國之初五方之人雜處為加達額據漢時羅馬征服之越三百載為

北狄所侵唐時回人侵擾而據其地僅餘要斯都里部
 內有候伯拉約興師大捷推立為王子孫繼緒漸延邦
 土得地分建數國歷七百年後因回人自不和睦叛者
 蜂起至明成化十五年女主依撒伯贅非多難遂將諸
 部合而為一女主遣其臣可崙波拓亞墨利加諸部銀
 鑛甚多據太平洋之呂宋建設埔頭帆檣鱗集百貨流
 通國之富饒以此至明正德時日耳曼內亂其國王查
 理第五賢能日耳曼迎之為王其國立世子非立第二
 兩國聯為唇齒國益富强康熙時王查理沒無子填地
 利王欲立其子佛王欲立其孫舉兵互爭後為佛之非

立第五所得代與英佛構兵而勢衰嘉慶十三年佛王
 拿破崙所據立其弟為君英吉利葡萄牙合兵攻之逐
 拿破崙弟立故王世子非難多沒後無子立幼女依撒
 伯即位聽政即今在位之君也其外設官二等會集公
 議治理國事

通國昔時分為十四省近則改為四十九部
 曰新加斯德中央之地砂磧高燥現分五部曰馬德里首
 城亦以此名乃京都也宮殿宏整廟堂峻麗內有學署醫
 院觀星臺軍功殿古玩庫葺草圃療畜館瓜達拉薩多勒
 固盈加九達里曰舊加斯德山原相間現改六部曰不厄

北狄所侵唐時回人侵擾而據其地僅餘要斯都里部
內有候伯拉約興師大捷推立為王子孫繼緒漸延邦
土得地分建數國歷七百年後因回人自不和睦叛者
蜂起至明成化十五年女主依撒伯贅非多難遂將諸
部合而為一女主遣其臣可崙波拓亞墨利加諸部銀
鑛甚多據太平洋之呂宋建設埔頭帆檣鱗集百貨流
通國之富饒以此至明正德時日耳曼內亂其國王查
理第五賢能日耳曼迎之為王其國立世子非立第二
兩國聯為唇齒國益富強康熙時王查理沒無子墮地
利王欲立其子佛王欲立其孫舉兵互爭後為佛之非

立第五所得代與英佛構兵而勢衰嘉慶十三年佛王
拿破崙所據立其弟為君英吉利葡萄牙合兵攻之逐
拿破崙弟立故王世子非難多沒後無子立幼女依撒
伯即位聽政即今在位之君也其外設官二等會集公
議治理國事

通國昔時分為十四省近則改為四十九部

曰新加斯德中央之地砂磧高燥現分五部曰馬德里首
城亦以此名乃京都也宮殿宏整廟堂峻麗內有學署醫
院觀星臺軍功廠古玩庫葯草圃療畜館瓜達拉薩多勒
固盈加九達里曰舊加斯德山原相間現改六部曰不厄

斯羅奇虐三當德為北境大埔頭索里塞額維亞維拉曰
良現改五部曰良巴稜西瓦拉多黎薩拉慢加古時為大
都會代有聞人自遭兵燹凋敝稍存薩摩拉曰加黎西卑
濕牧地現改四部曰哥魯那城建海濱泊舟最穩商賈輻
輳為西北大埔頭港口有炮臺極堅顛額河稜塞奔德威
達曰加拉拿大氣候炎熱水土平良現改三部曰加拉拿
大曰為田田王都稱南方大土會亞美利馬拉牙城建海
濱泊舟最穩貿易殊盛為南方大埔頭曰瓦稜薩現分三
部曰瓦稜薩城平原街衢修整屋宇峻麗市塵之中肩
摩轂擊有大書院肄業衆多亞利干為東南大埔頭加得

淪曰木爾西分二部曰木爾西亞巴塞曰亞拉岡山嶺重
疊寒暖迥殊現分三部曰薩拉疴散昔盛今衰馬斯加德
魯曰納瓦昆達佛朗西仍為一部曰亞斯都里境負大山
民居巖谷農作甚勤仍為一部名疴維多曰加達羅尼現
分四部曰巴塞羅城建海濱次之京都貿易昌盛為東境
第一埔頭達拉疴納勒黎達共羅納曰比斯加分三部曰
比斯加會城繁盛總聚羊毛之地給不斯孤城建山麓為
北境之管鑰屋宇炮臺靡不具備嘉慶時為佛朗西所侵
擾變為灰燼事後乃復其初亞拉襪曰斯德馬多改二部
曰巴達若城建河右極為堅固達塞勒斯曰安達羅西現

分五部曰塞維里城建平原豐饒為南土之主烏厄襪加的斯城大而堅建於海角著名西土為通國第一埔頭哥多瓦南境又有日巴拉大為地中海門戶大英築堅城于磐石上建炮台設營兵已百五十年矣其外有五島曰馬惹架米諾架佛門德加卑勒壹維薩合為一部名巴利里土產穀菓絲綿塩五金水銀最富礪砂浮木牲畜等

葡萄牙國志

葡萄牙在歐羅巴之西南緯線自赤道北三十七度起至四十二度止經線自中華北京偏西百二十三度起至百二十六度止東北界西班牙西南距大西洋長一千里廣

六百里總計之方十二万里戶口三百五十万壤地褊小環境皆山絕少平坦之地河皆發源西班牙由此入海湖之大者曰隆加巴砂氣候互異西北溫和東南炎熱田土膏腴農惰耕作然五穀百果歲必大稔林木叢茂

民之風俗性情與西班牙相類惟以偽善勝之技藝平庸商旅麇至舉國禁傳耶穌正教崇天主教民之貧乏者多財貨歸教師

至于朝綱男女皆得臨御其國初為西班牙西境唐以前事之始末政之變更皆與西同宋時加斯德拉王因其臣英黎給功高德厚裂土封之以盧西達尼數城為

其采地使尚公主封以伯爵其子襲父職大敗回人漸
 拓邦土民推以為王是為立國之初歷代以來征服回
 部邊疆日擴版圖漸廣有賢王曰以馬努利立法制嚴
 防守國稱大治子約翰與西班牙通婚媾四境又安倉
 儲充實英黎給嗣位無子西班牙乘勢兼并歸十一統
 越六十年西政貧殘葡人不堪倒懸逐其守土之吏復
 立故王支派嘉慶初佛蘭西王拿破崙侵伐不能扞禦
 王遂棄國攜其眷屬出奔巴西迨拿破崙為英軍所敗
 王乃歸國尋卒世子留王南亞墨利加之巴西兼王葡
 人民謂王貪兩地不協輿情乃自王巴西道光十八年

遣幼女瑪利亞歸王葡贅日耳曼世子為婚夫卒再贅
 即今在位之女主也先是歐土諸國自開闢至元時自
 相往來罕通別土人善算數習天文用儀器測量日之
 出入星躔度數水陸方向遠近明時國王遣善操舟者
 駕巨艦南行由阿非利加之西境轉而東歷阿非利加
 之東境抵印度之西境復轉而東至麻喇甲歷徧東南
 洋諸島國所至輒留葡人營立埔頭隆慶時抵粵之澳
 門請地建屋歲納租餉疆臣為之代請許之葡人遂立
 埔頭于香山縣之濠鏡是為諸國通市中國之始後西
 班牙荷蘭接踵東來佛英繼之葡人所立小西洋東南

洋埔頭咸被侵奪僅餘澳門一塵為諸國東道之逆旅
通國分六部曰斯德馬都中央之地首城名里斯本乃京
都也跨山臨水樓臺疊起學署書庫觀星臺軍功殿靡弗
峻麗郊外港通海口泊舟最穩轉輸極盛商旅往來如織
周市皆礮臺扞衛嚴甚

乾隆二十年遭地震甲第廣廈轉瞬之間不遺一椽死
者尸相枕籍近乃修復如故

曰卑拉首邑名固英巴拉曰亞零德入富庶甲于諸部首
邑名厄窩拉曰亞牙威首邑名發羅曰斗羅米虐首邑名
疴波多為西洋黑酒大埔頭曰達拉蒙德首邑名巴拉安

薩其外西南有亞索利九島在大西洋人民二十萬口氣
候清和水土嘉美地產五金寶石礬磺磁石塩果酒等

佛蘭西國志

佛郎西在歐羅巴之西緯線自赤道北四十三度二十分
起至五十一度五分止經線自中華北京偏西百有八度
起至百二十一度止東界日耳曼瑞士西統比斯加灣北
接比利時英吉利海盆南至地中海西班牙長廣各約二
千里總計方六十八萬里戶口三千四百萬其地東方山
巒斷續南隔比利牛斯山餘則丘陵寥落平原甚廣河支
匯流其道縱橫河之大者東曰羅尼北曰塞納西南曰羅

爾加倫湖曰塞德貨物轉輸悉從水道隨在皆通舟楫有
溝洫以蓄洩壤地極腴授田數畝農力維勤氣候不一夏
燥冬寒餘則溫和

居民性情無常習俗豪俠好勇喜鬥以致政事紛更互
相攻擊終日歌舞無戚容男女貴賤衣裳艷麗雖一擲
千緡亦罔所惜農勤開墾頗有法式技藝精巧工于製
器火輪車船時辰表自鳴鐘歲造不可勝數士勤學問
天文地理靡不精通然所著書籍半類小說壞人心術
叛于天道奉天主教間亦奉耶穌正教
至于朝綱國位傳于子孫否則公會治理或庶民推舉

靡有定制古名之高盧為野番部落漢時為羅馬征服
屬以大利西境後羅馬衰亂為北狄日耳曼分據齊時
哥羅維驅逐北狄據其全土改國號曰佛朗西是為立
國之始至唐天寶時嗣王為民所廢立相北比諾為君
穎敏好學奮發有為勵精圖治其子甲利曼有文武才
開館舍招致四方文學之士百廢俱興城邑宮室道路
創造宏整規模丕變極一時之盛傳國世數至宋雍熙
時衰亂國人立公爵武額加領多為王傳數世嗣絕更
立瓦羅義斯為歷王宋理宗時路易嗣位長吏術精名
法修國政簡賢住能号為中興与英吉利世為姻亞當

佛王嗣絕之時。英王義多亞第三。因與故王有甥舅之誼。當分封地。舉兵要之。從此構釁數十年。干戈不息。元時為英所滅。即有幼女。恢復疆土。明萬曆時。旁支嗣位。顯理第四。自修布仁。子辱其相。歷候而窘民。至路易十四。講武嗜戰。諸國怨叛。乾隆三十八年。即路易十六。內寵擅權。民不堪命。後十六年。大亂弑王。設領軍官二人。攝王政。拿破崙為首。乘勢撫循衆庶。遂握大權。嘉慶八年。即皇位。恃其威武。欲混一土宇。繼羅馬之蹟。滅荷朗。廢西班牙。取葡萄牙。兼并以大利。瑞士。日耳曼。割普奪。壞。侵連國。圍其都城。所向克捷。諸國畏之如虎。嘉慶十

六年。以大兵伐我師。旋時天驟嚴寒。軍士凍死十之七八。諸國乘其敝也。合力攻之。所侵之地全失。又收拿破崙于易北河上之炮臺。至嘉慶十九年。逃至佛國。招集軍旅。往比利斯。與英軍戰。旋敗北。為民所遇。退避君位。流于三厄里那島。六年而死。歐之公使會議。維也納。凡拿破崙侵地。各歸故王。或分晰。或合併。互立盟約。不相吞噬。于是立故王之裔。路易為王。十年卒。其弟查理在位。六載。國人廢之。立路易非立為王。寬仁納諫。有賢聲。道光二十八年。國人廢之。遁于英吉利。不數年而崩。庶民立拿破崙之姪。路易拿破崙為首。期以四年。咸豐二

年已屆其期不肯避位召兵助之彼期以十年事乃定其意或謀登大寶未可知也

通國舊分三十三部改為八十六府三百六十三縣三萬八千六百二十三圖曰壹里佛朗西今分五府曰塞納首邑名巴黎斯乃京都也殿闕巍峩複閣層樓宮室庠序廟堂祠宇靡不峻美雄麗文彩輝煌為一時之壯觀他若離宮別苑石坊橋梁亦皆窮極精雅工巧絕倫街衢屈曲環繞列肆密如蜂房商旅往來肩摩轂擊晝夜不絕歐土都會之盛推為第一內大書院藏印鈔書籍遊學之士許其就院屋借讀設醫院學醫者齎糧從之學成然後歸又有

繁術院凡術藝之師皆在焉如兵法河道器物各就所願以肄業荷斯哀斯內塞納及荷斯塞納及馬內法郎得改一府曰諾爾首邑列黎建城堅固貿易繁盛製造最良海口曰東克為商賈薈萃之所亞多亞改一府曰內巴的加雷比加的改二府曰外巴的加雷海口曰補倫貿易殊盛索美諾滿的改五府曰下塞納首邑名盧昂為織布之要所又海口曰哈非加瓦多滿砂海口曰舌布克亦師船所聚荷內與勒以上四部皆在北方賞巴尼改四府曰亞德內荷卑上馬內馬內羅來內改四府曰謬斯木塞勒謬德窩斯日以上二部皆在東北隅賣內改二府曰馬也內薩

的安如改一府曰賣內及羅爾北利達尼改五府曰壹列
及維勒內哥都諾非尼斯德海口曰比臘斯的戰艦停泊
于此摩比罕下羅爾海口曰難得為貿易薈萃之所以上
三部皆在西北隅波亞多改三府曰溫的二塞勒維也納
安河美改一府曰砂蘭森當改一府曰內下砂蘭海口曰
羅舌勒貿易最盛之所又有羅舌縛為師船聚泊之所以
上三部皆在西方河里安改三府曰與勒及羅爾羅勒羅
爾及捨耳都來內改一府曰音德及羅爾比利改二府曰
捨爾音德尼威內改一府曰尼威不波內改一府曰亞列
馬使改一府曰哥留斯黎木性改二府曰上維也納哥勒

塞河威內改二府曰北多美敢達亞撒西改二府曰下來
尼上來尼以上九部皆在中央佛岡德改三府曰土索內
都伯汝拉不干的改四府曰約內哥多索內及羅爾厄英
里河內改二府曰羅尼首邑名里昂乃製造之所金銀線
帶刺繡甲于通國羅爾道非內改三府曰義塞多羅美上
亞卑斯以上四部皆在東方不羅溫薩改三府曰下亞卑
斯羅尼河口首邑名馬塞里為南境第一埔頭火輪船往
來埃及印度亦泊于此瓦爾海口曰土崙為師船聚集之
所即給德改八府曰上羅爾羅塞亞德加爾德希落河德
達尼上加倫以上二部扼地中海北岸岡的佛亞改一府

曰亞列日盧西隆改一府曰東比里牛斯哥也納改六府
曰及倫首邑名波多海港深通上接內河貿易頗盛為西
南之大埔頭多多尼羅的及加倫羅的亞維倫達尼及加
倫加斯哥尼改三府曰及爾斯蘭德上比里牛斯伯內改
一府曰下比里牛斯以上八部皆在南方哥塞牙乃地中
海島破拿崙王即此島人初屬以大利佛人取之土產穀
菓木油酒呢羽絨緞錢鉛煤礮玻璃磁器等

大英國志

大英一名英吉利在歐羅巴西北強大之國也緯線自赤
道北五十度起至五十八度半止經線自中華北京偏西

一百十五度起至一百二十七度止東界北海西南北均
接大西洋地分三土迤東兩土相連南曰英倫北曰蘇格
蘭西一島曰阿爾蘭島嶼迴環氣候溫和時時更變或重
霧迷漫或陰雨溟濛四季皆然不能雨暘時若終歲寒日
居多雖盛夏未嘗有酷熱冬則飄風霜雪春林花媽然風
景極清地利不一農勤稼穡收穫殊豐

民性淳良好禮義崇儉讓男體健壯女多殊色膚潔衣
整室廬峻廣樓有數層上蓋以瓦內外俱以粉墁或飾
以花紙布地氈氈不染纖塵玻璃為窗明淨無比窗垂
帷帳入室殊覺美麗男女往來守貞不亂娶聘自擇少

艾性情相投。然後稟父母。結為姻婭。男不得娶二女。犯者徒流。狹提至四歲。入塾攻書。不獨男習文藝。可登仕版。即女子亦日觀詩。養道修德。書畫針黹。無術不精。男或為匠農。或學商賈。專習一事。用志不紛。因是民盡聰明。天文地理。數學格物。致知通達。治休醫必考試。得選方許治病。訟師學法律亦然。畫師畫山水。繪人物。皆以肖真為貴。黽勉不倦。技藝精巧。織布以錢機。激之火輪。關振自能運動。故工省價廉。織造多用火輪。能者推廣其法。造火輪船車。鎔錢為汁。而作通衢。約三萬餘里。以速其行。每時可行三四百里。凡往來於其道者。歲約六

十萬人。其外別有程途寬廣。以便商客。舟車往返。又以錢甬置地。內深五六尺。使泉可達各家。以便日用。另有錢甬。收燒煤之氣。達于各家。燃之有光。勝于蠟油幾倍。至于水棉。從印度。米利堅。轉運。織造盛于天下。絲綿由中華。以大利運。至鎗炮刀劍鐘表。及日用各種器。皆奇妙絕倫。商賈輻輳。貿易繁盛。大舶航海者。歲計六萬艘。商船生利於國中者。歲計三十萬艘。凡製造之物。歲值銀四万万。田所產者。歲值銀三萬五千萬。游牧所出者。歲值銀二萬四千萬。所奉耶穌正教。其天主教。阿爾蘭奉者。十之八。

至于朝綱國位男女皆得臨御惟以長幼為序國制有
相二人一理內一治外此外大臣或司帑藏或司出納
或權貿易或聽訟獄或掌璽印印度水師各有其佐匡
劃都城有公會二一曰爵房爵位貴人四百二十有五
耶穌教師之最尊者三十處之一曰薦紳房於庶民中
推有才識者六百五十八人處之有大事王諭相相告
爵房聚眾共議參決可否然後諮之薦紳房必輿情相
協始布之政否則寢其事勿論民間欲興利除弊必先
陳於薦紳房酌覈既妥然後上之爵房可行則上之相
而聞於王否則報罷民間控訴亦如之人分三品一曰

五爵二曰紳士三曰鄉民五爵惟長子得世襲其餘皆
為紳士府邑選之代民供職皆無俸祿教士尊者等十
五爵中者如塾師學三四國方言通經能文精曆法明
測驗推步然後可以教人至於人民亦如之按國傳史
古為土番部落漢時羅馬平英倫至今羅馬城闕遺址
尚存齊時羅馬軍退遂有北狄蘓格二部據之是時餘
民懼相脅乞援于日之薩索尼之三部其一曰英吉利
後為國号遂克北狄破蘓格并其全土分為七國至唐
時合而為一王名厄北的嗣位名亞非烈者仁智兼盡
當時稱賢君云宋初噠王侵擾全土皆為所據後三世

歸之英國亦越數載為佛北族酋威廉統率舟師親駕征伐覆敗其軍遂王其國嗣君頭理第二攻克阿爾蘭歸于一統後婚于佛開疆拓土傑然稱雄其嗣王約翰即位性剛復侮教師教王怒棄絕其民民疾王王懼納貢教王魁柄遂奪民日擾亂公卿議立大券強王署尾著為國典其子頭理第三是時薦紳始備再嗣義多亞第一復克威勒士又克蘓格蘭旋為布魯斯率眾拯救後得自立如初明万曆時君夢無子蘓王熱密斯与先王有戚誼英人奉以嗣王位蘓遂与英倫合為一國稱曰大英明中葉時英人泛海覓新土得北亞墨利加腴

土日漸開墾遂成沃壤英人倚為外府後因屢歲興戎軍糈孔亟稅餉倍于常額始行叛亂逐驅英官自立為國英人屢戰不克越八載乾隆四十七年南境始得聽其自立為米利堅國其餘北境至今尚為英轄已而印皮貿易日盛英富厚過於昔時乾隆五十八年英与佛交兵九載方和息未幾佛復率舟師進攻幸英師艤艦雲集其旅如林擁阻河道不能進發大敗佛于比利時之窩德祿始得宴安道光十六年君薨無嗣有女不慧遺命立兄女維多里為王即今在位之君也

通國分英倫蘓格蘭阿爾蘭三土英倫為其本境也西界

稍有山嶺平野居多長一千里廣九百五十餘里總計方
 二十万里戶口一千六百萬田土肥沃農勤耕種為歐名
 國河道不長其大者東曰達迷塞恒比西曰美塞塞威內
 湖亦甚多風景清澗土分五十二府東方有六曰迷德勒
 塞首邑名倫敦乃京都也建於河濱總計百餘方里無城
 郭殿闕巍峩規模閎鉅離宮別苑逶迤相屬衙署屋宇窮
 極華煥庠序學校輪奐雄麗宮殿書院文儒萃博博物院
 施藥院養濟院生靈院皆景象繁華工肆比櫛商賈雲集
 諸貨畢備五方輻輳內港通海埔頭最大帆檣林立歲有
 列邦商船往來為天下第一埔頭也諾佛素佛黑德佛厄

塞斯堪比日有大書院歲來學者二千學業之盛聲名遠
 播南方分為九府曰根德內有港口甚廣戰艦修造於此
 檣立如林薩勒蘓勒八克斯烏尔德索美塞多塞的温凡
 戰艦武備在彼修製所有艨艟咸萃蒼馬哥奴瓦銅錫最
 富北方地形漸狹別一區宇分為六府曰約克內通港口
 名黑爾市廛之中貨物咸備屬邑里的舌非製造羽毛利
 器運于各國蘭加斯德首邑曼識特為洋布蒼萃之所外
 通港口名利未不運木棉者皆泊於此織成達至各國為
 英第二埔頭威士謀蘭岡比蘭達罕諾東北蘭海口埔頭
 為煤會產之所中央之府分十八支斯德德止諾定昂林

哥內捨羅斯達佛多蜜為陶人造磁器之所雷塞德魯德
蘭亨丁敦諾但敦希耳佛窩塞德瓦威克屬邑比名罕所
鑄鍊器盛於天下哥羅斯的阿斯佛有大書院肄名山業
巴克比德佛英倫之西偏地形入海總名曰威勒士山嶺
重疊為英倫之後戶民之言語與英倫不同分十二府曰
非林德敦比談拿文安勒塞美畧內蒙荷美里拉德諾加
的安本不羅該馬敦比勒諾加拉摩安海島甚多南曰日
西額尼西壹里維的氣候平和遠客往來西北壹里曼上
產磁器銅錢錫鉛煤石鹽羽毛洋布利器
蘓格蘭在英倫之北長九百里廣五百里總計之方八萬

五千里戶口二百六十万迤南田土肥沃岡陵寥落迤北
之土殊為磽瘠山嶺參差河之支派不一大者東曰佛的
帶堤西曰哥來的湖亦甚多美麗雄壯不可指數地分三
十三府南方十三府曰壹丁不首邑同名街衢整潔方厦
雲連為北方大都會海口利的貿易頗盛林利德合丁敦
北維克比北勒塞爾給羅斯不當非里給古比烏荷敦哀
尔拉拿海口大埔曰哥拉斯哥為洋布薈萃之所貿易與
米利堅西印度島昌盛稜非律絲製紬布搭膊巾最佳中
央八府曰發夫京羅斯加拉馬南斯德零所鑄鍊器當白
敦白爾的佛法海口曰敦底洋布薈萃之所斤加丁北方

言語異于南方十二府分曰舌蘭荷哥內二島該內斯孫
德蘭羅斯哥馬的奈爾內慕來邦弗亞比敦海口同名大
尼洋布石版頗盛音威內斯亞及勒彭的島西方島嶼甚
多總名希比利的島氣候寒冷五穀不登民多漁業土產
石煤鐵磁器呢羽洋布

阿爾蘭在英倫之西海港隔斷別為一島長七百八十里
廣六百里總計之方十一萬里居民八百万地勢平原寬
廣岡陵絕少地多豬澤氣候網緼終歲花卉嫣然草亦蕃
蕪足為牛羊牧芻之地故呼之為綠島湖多秀麗景亦新
奇河之支流甚多其大者東曰山能地分四部三十二府

東有連斯德分十二府曰都伯林首邑同名建于河濱下
接海口水深便于泊船貿易繁盛景象豪華勞的迷的西
迷的維哥婁威斯佛幾給尼加婁幾代王岡的后岡的郎
佛西有各諾的分五府曰勒德靈斯來各羅斯哥滿馬約
加爾威南有門斯的分六府曰哥雷里美利給黎哥給窩
德佛的卑拉黎北有窩斯的分九府曰安德靈力尼亞罵
的倫倫敦德黎敦內加非馬那加彎摩那安土產石炭煤
銅鐵錫牲布等

軍精孔亟稅餉倍于常額
上日漸聞聲遂成決曠英人倚為外附後因康康興

[Faint bleed-through text from the reverse side of the page]

